

**BASES DEL XV CONCURSO CONDAU DE RIBAGORZA
DE RELATOS CURTOS Y POEMAS EN BAIXO-RIBAGORZANO
Ayuntamiento de Graus - Ayuntamiento d'Estadilla - Ayuntamiento de Fonz
Febrero de 2016**

Los Ayuntamientos de Graus, Estadilla y Fonz convocan el XV Concurso Iliterario en aragonés baixo-ribagorzano *Condau de Ribagorza*, en las modalidaz de narrativa y poesía en categoría d'adultos, y de narrativa en categoría chovenil (12 a 17 años).

1. La convocatoria del concurso é de tot ubierta, se i puede presentá qui quiera.
2. Los treballos habrán de sé originals y inéditos. Los concursantes se fan responsables de que no ñ'hai dreitos de terceros en los relatos presentaus.
3. La temática del concurso é llibre.
4. Los originals estarán escribius nomás en cualquiera de las modalidaz dialectals de l'aragonés baixo-ribagorzano, en las suyas variantes de Graus, Fonz, Estadilla, Chuseu, Torres, Panillo, Capella, La Pueblla de Castro, Secastilla, Perarruga, Santallestra, Campo, etc.
5. En la categoría d'adultos los relatos tendrán una extensión no inferior a cuatro pllanas DIN A-4 ni superior a seis. En la categoría chovenil caldrá que tiengan una extensión d'entre dos y cuatro pllanas. La lletra será Times New Roman 12 puntos, con espaciau i chustificau normals.
6. La métrica de los poemas é llibre, y la suya extensión habrá de ser superior a cincuenta versos y inferior a doscientos, podén-se presentá baixo la forma de poemas sueltos u poemarios.
7. S'admitirá un máximo de dos treballos per autor, se presenten u no a la misma modalidá.
8. Los treballos caldrá mandá-los per email a graus@espaciopirineos.com con la referencia *Concurso Condau de Ribagorza*, y quedarán en posesión de la Organización. El pllazo d'entrega acaba a las 14 horas del jueves 31 de marzo de 2016.
9. En atro documento, los autors inclluirán el suyo nome y edá, apellidos, DNI y datos de contacto.

Premios, churau y fallo del concurso.

10. La dotación del Concurso é de 600 € en la modalidá de relatos y 300 € en la modalidá de poemas, en categoría de adultos. En la categoría chovenil, n'habrá dos premios de 100 y 50 € que podrán escambiar-se per material escolar.
11. El Churau, que podrá decllará desiertos los premios u atorgá accésits si fuese menesté, estará integrau per un representante de cada ayuntamiento que convoca (Graus, Estadilla y Fonz) y per varios llingüistas de reconocida profesionalidá, los nombres de los cuals se farán públlicos cuan s'entregue el premio, qui será inapelable.

12. La Comisión hará público el fallo del churau en Graus el sábado 23 d'abril, festa de San Chorche.
13. La Organización publicará una tría de los treballos presentaus.
14. El churau tiene la potestá de resolvé cualquier eventualidá que no haiga siu fijada dinantes en estas bases, resolvén-se al suyo arbitrio cualquier duda que se i podese presentá. La grafía en que se publicarán las obras premiadas, con l'asesoría de los llingüistas que integren el churau, atenderá a los usos de los autors tradicionals.

En Graus, a 22 de febrero de 2016